

西河九龍族譜

千

枝

一

本


西河九龍英譜

萬



派

同

源



廈門新建林氏大宗祠圖式



中華民國廿二年春月 林氏大宗祠董事重刊

鰲岡祖祠宗譜序

族之有譜尚矣我林姓

殷少師比干公之後也入閩則自

晉安郡王祿公始傳至九牧枝分派衍

散處四方瓜瓞綿延只有一宗並無

二本焉譜中源流前人言之頗悉可

無容贅惟廈門西城外朝天宮後

殿鰲岡祖祠奉祀

閩林始祖祠中前未有譜丁丑捷雲得宗

譜一本商諸族人雲與維商等鳩資

重刊且與華搜羅典籍辨訂訛僞加
增數十帙似較原本尤為詳備非敢
自作聰明實有所考據明確聊表木
本水源之忱也後有才力裔孫設局
重修採訪前明以及
國朝人物可以流芳譜牒矣襁揚麻者尤
雲之所厚望焉

大清光緒九年秋七月前署福建水師提
標前協副總府世襲騎都尉裔孫林
捷雲謹撰

宋仁宗皇帝御書

之
皇帝
寶

忠孝

宋仁宗皇帝題譜

嘉祐六年侍御史臣林悅乞歸祭掃祖墳墓

仁宗問曰卿殷少師苗裔家乘可得見乎悅取族譜以進閱數日御筆大書忠孝二字於譜首鈐以御寶又賜詩二章勅曰卿珍重到家可即回京

御製詩

長林派出下邳先

移入閩邦遠更綿

忠孝有聲天地老

古今無數子孫賢

故家喬木蟠根大

深谷芝蘭奕葉鮮

上下相承同紀載

二千年後萬斯年

莆郡卿家名望族

三仁而下爵王公

存孤實抗回天義

報國常懷貫日忠

德潤丰姿人有異

光增譜牒世無同

古今紀載難窮盡

一代強如一代隆

宋淳熙元年五月朔日新安朱熹書

長樂山記

至聖先師孔子書

千載

並此

林氏正宗源流族譜序

林氏之先出自黃帝高辛氏後黃帝乃有熊國君少典之子姓公孫名軒轅母曰附寶視大電繞北斗樞星感而有孕二十五日而生帝於壽丘長於姬水有聖德受國於有熊氏納四妃生二十五子得姓者十有二一曰雲相相生玄囂囂生嶠極極生帝嚳為高辛氏娶有娥氏女名簡狄從祀於禘浴於玄丘之水見玄鳥隨卵取而吞之遂孕而生契及長賢而舜用之薦於堯為司徒佐禹治水有功乃封國於商賜姓子氏契生昭明明生相土土生昌若若生曹圉圉生冥冥生振振生微微生報丁丁生報乙乙生報丙丙生主壬壬生主癸癸生天乙諡曰成湯伐夏無道得天位為殷國傳太甲沃丁太庚小甲雍己大戊仲丁外壬河亶祖乙祖辛沃甲祖丁南庚陽甲盤庚小辛小乙武丁

祖庚祖甲廩辛庚丁武乙太丁帝乙而生帝辛為商紂暴虐無道殺害生民比干紂叔父帝乙庶弟也有賢德佐紂為孤卿見紂無道微子去箕子囚累諫不聽乃嘆曰主過不諫非忠也畏死不言非勇也即諫而不從且死忠之至也乃奉面而進諫不去者三日紂問何以自持比干曰善行仁義所以自持也紂怒曰吾聞聖人之心有七竅信有諸遂殺比干剗視其心焚其面下令曰宗少師說妖言惑眾故誅云又剖比干次妃胎而視之時正妃夫人陳氏有孕三月即將婢四人奔於牧野避紂之難逃於長林石室中而生男名堅字長思至周武王伐紂夫人乃將堅歸周朝武王以其居長林而生遂因林而命民賜為林氏以其殷湯之後先王之胄且能遠害避紂之難以不絕其世其智足以任政遂拜堅為大夫食邑博陵受封爵焉夫人受姓各

有所因或因生而得姓或因功而命氏有功則有官族邑亦如之是其義也如黃帝生姬水故姓姬堯生伊耆故姓伊耆舜誕姚墟故姓姚此因生而得姓因官若司徒司馬之類是也官族者若孟孫叔孫之徒食邑而姓取地而姓者各因其封若蔡管宋楚齊魏韓梁是也故受姓氏者寔有所因堅以後居博陵子孫遂生閼閼歷周秦及漢王鈕金繩枝黨繁興榮蔭當世戰國以來遇始皇焚書坑儒譜牒散落後漢之末遭董卓遷都長安墳籍失去卓言林氏門宗強於河北漢主受卓譖收林氏宗族七百四十四人同時流竄昭穆失序降於三方鼎立天下凡為三國生民惟習武功莫知文藝爰自晉氏失馭五馬浮江衣冠避於南地因以枝分葉散前後記牒多所闕漏自北建盛節立奇功可以著美一時垂名千載鮮有不墜者矣以故大族帝王

之裔世家諸侯之胤忠臣孝子文德武功各擅蘭芳俱傳桂馥
著馬遷之史記傳述殊名見篇目之繁文君臣異式莫不世序
相承昭穆不紊及觀受姓得封之因源委可究桑梓卜居邱陵
兆域適時遷而南渡遇世亂而北移或受爵而西分亦因居而
東徙雖後三江殊流會出岷山九河塹分終歸滄海綴集條貫
舉宏綱目派系雖別於九州星羅實同於五緯上自博陵受封
下及貴賤無殊具題緘封名曰宗譜惟夫命代奇績舊在茂陵
之書冠世高勲先紀邱明之史久隨事實欲其信傳庶幾來代
哲人尚有所考云

唐貞觀六年四月朔中書令西河公并州溫彥博撰

吾林出自子姓黃帝之後歷唐虞夏商三十餘代而生比干因直諫死子名泉武王克紂未下車封其墓徵其所生男賜姓林命曰堅食邑博陵世為大夫自周至今豪出傑生代不乏人春秋著名於傳者林放林回林雍林楚林不狃或以忠貞或以文德秦末子孫居齊郡漢興改為濟南郡以林尊為郡人講論石渠官七子太傅林氏之望於濟南者自尊始閱西漢新室東漢曹魏四朝至西晉林禮徙籍下邳遂為徐之冠族傳至孫晉安郡王祿為閩林始祖當中州板蕩衣冠卿相從閩居之者有八族林黃陳鄭詹邱何胡是也唐定天下氏族推晉安之林為甲祿生景景生綏封南平侯至七世而生茂茂生孝實由晉安遷莆之北螺村又三世而生玄泰泰生萬寵葬於本山之烏齊其子孫居北螺村者東南二房萬寵生韜披昌韜之孫攢德宗立雙闕以旌其孝時號闕下林家

祭祀子生丈夫子五長子希與第四子旦叔槩從弟開同登嘉祐二年進士次子顏第三子邵同登嘉祐五年進士第五子貴政和二年進士槩之子辨希之子虛元祐六年進士槩之次子贊旦之子處紹聖四年進士顏之子攄亦以賜進士翰林學士陞禮部尚書意一門公孫父子兄弟叔姪煌煌贊組顯耀當時所以致是者然緣祖宗福慶之厚德澤之長佑啓我後人使之然也吾之子孫果能善述聿修厥德篤恩義明族屬視疏猶戚視遠猶近則以德繼德一德相傳千萬世而不泯也毋徒恃今日顯榮以誇耀於族屬其視微賤貧窮而不恤者則是失其祖宗忘其親親而欲祖宗眷我以福昌我子孫豈不難哉為吾子孫庶其慎

宋政和三年歲次癸巳九月中泮

賜進士第大常博士裔孫槩誌